

SIDRE PA LO BONO Y PA LO MALO

Código de la Sidra

Selección y ordenación:

José María de la Cuesta Sáenz

José María Caballero Lozano

Edición actualizada a 22 de junio de 2023



El Código de la Sidre vien a anovar el marcu llegal d'esta bébora.

D'una vuelta pa otra van asocediendo coses más favoratibles o enforma negatives. Nel cursu del tiempu que va del SIGGA del 2022 al del 2023 amburare'l llugar de Viuda de Angelón, diérase-y la Indicación Xeográfica Protexío a la sidre de Madeira y refugaren la DOP a la d'Euskadi, espublizárase'l Código de la Sidre, yá ta n'a UNESCO'l proyeutu de padremuñu inmaterial pa la cultura sidrera, el meyor libru del mundu sobro bébores ye ún de sidre y la botella de sidre convencional en elementu identitariu por sentencia xudicial

CIDER PLANET

Exploring the Producers, Practices, and
Unique Traditions of Craft Cider and Perry
from Around the World



CLAUDE JOLICOEUR

El libru Cider Planet algamó'l premiu internacional al meyor libru sobre bébores.

Ye esti un artículu que, na so forma de presentacion, enxamás atalantábemos na posibilidá de facer masque'l SISGA, que recién se cèlebrare en Xirón, que paez que ta asitiándose como llugar d'alcuentru, discutiniu y reflexón. El rodriu la sidre ya'l so mundiu, llevónos a cammentar que quiciabes vinía perden empobinalu como resume del cursu añal que va ente'l SISGA anterior y l'actual.

Entitulamos l'artículu como 'Sidre pa lo bono y pa lo malo' porque esti tiempu hebo de too: hebo anuncios más bones, menos bones, males y vraeres traxedies. Talamientu de la imaxe del mundu treslladáu al mundiu de la sidre y los llagares.

Allá nos postreros díes d'agostu empecizábasenos l'almuerzu cola anuncia de que demientres la nuechi amburare'l llugar de Viuda de Angelón, aunque más tarde ya mos enterábamnos de que lo qu'había amburao fuera la embotelladora. Una perda importante, aunque como recién mos cuntare San Ordóñez, miembru de la familia y enólogo de la casa: "Dientro lo tráxico, nun hebo perda de vides, porque eso sí que nun diba tener igua. Poro'l llagar nun va pesllar y vamos sacalu alantre". Y asina ye; la

empresa sigue furrulando y sigue apurriéndu-y les sos sidres a los veceros.

Nel ámbetu de la Xunión Europea surdieron anuncios enforma estremaes so la protección llegal de la identidá y la calidá de la sidre perbones pa la islla de Madeira y males pa Euskadi.

Nel casu de Madeira les autoridaes europees diéron-y, tamién pel mes d'agostu, el drechu de proteición de la so sidre, regulao según la figura llegal de la Indicación Xeográfica Protexío, pa una bébora que tien la particularidá de ser propia d'esta islla asitiada en metada del Atlánticu y na qu'autoridaes y llagareros llevaben yá dellos años trabayando fasta llegar a algamar la I.X.P. esti mesmu branu.

La parti mala aportáre-y a Euskadi n'ochobre, cuando se tuvo conocencia de que Bruxelles refugaba'l pidíu formal d'una denominación d'orixe pa la so sagardoa. Por embargo, convidábase-y a que ficiere'l pidíu d'una indicación xeográfica, daqué que ya se-y había ufiertao tres del análisis inicial que se ficiere cuando la presentación de la solicitú, y siempres coles torgues del gobiernu de Francia, que, nun escaezamos, ye país vecín de llende y un perimportante productor y esportador de sidre al mercáu internacional.

Na estaya llegal nacional la bona anuncia fuere l'espublizamientu del Códigu de la Sidre, asoleyáu nel mes de xunu, y que vien a anovar el marcu llegal nel que se desendolca l'actividá del ámbetu sidreru no que cinca a la denominación de los estremaos productos, les carauterístiques, la producción ecolóxica, el códigu de bones práutiques, les práutiques prohibíes, l'actividá na pro-

APOYAMOS
CULTURA
SIDRERA
ASTURIANA

CANDIDATURA A PATRIMONIO INMATERIAL DE LA HUMANIDAD

El proyeutu de Padremuñu Inmaterial pa la cultura sidrera ya ta na UNESCO pa'l so estudiu l'añu viniente.



La quema nel llagar de Viuda de Angelón foi una traxedia pal mundu la sidre.

ducción agroalimentaria, la correspondiente al ámbetu industrial, el rexistru sanitariu, les organizaciones de productores, etc. Daqué que facía falta, que venía pidiéndose y que debiera ser un aniciu pa poner orde nun sector industrial nel que, nos caberos años, paez que pue ponése-y el nome de sidre a cualisquiera productos que lleven na so composición cuatru gotes de zusmiu de mazana ente una bayura d'otros componentes ensin relación dala cola mazana.

Y siguimos a piques, una vuelta más, cola tema del proyeutu de declaración

de la cultura sidrera asturiana como Padre-muñu Inmaterial de la Humanidá, aunque esta vegada sí que yá tenemos conciencia de que'l pro-

yeutu ta na UNESCO, onde yá ta tomando consideración y se-y va facer l'análisis necesariu, y esto ye verdá, tamién sabemos que nun va tardar agora. La fecha prevista ye pa dentro d'un añu. Otru más, nel que lo que se va facer sedrá llevando tando previsto tamién que les decisiones s'espubliquen enantes de la vuelta siguiente.

Na estaya cultural internacional tenemos al inxenieru canadiense Claude Jolicoeur, uno de los más importantes investigadores de la sidre en casa, arriendes de llagareru, y del so casu, Cider Planet, espublizáu en setiembre del pasáu y qu'esti añu algamare'l premiu internacional The Guild of Food Writers 2023, na categoría de libros sobre bébores y nel que fala de los llagares, les práutiques de producción y les tradiciones de la sidre artesanal nel mundu.

Y rematamos l'artículu cola botella de sidre de molde de fierro qu'hai cuantayá que tabe nalgún griesques xudiciales ente l'Asociación de Sidreros asturiana ya una empresa de Cantabria fasta que'l Tribunal Supremu almitió la demanda de los llagareros asturianos y yos dio la razón. Y mentamos lo de la botella porque nellos son cuestiones de les que falar.

Per un llau vémoslo dende l'ámbetu xurídicu, el cantil, porque dende esti momentu la botella de sidre de molde de fierro solo pue ser emplegada

**euskal
sagardoa**
Sidra natural
del País Vasco

La Xunión Europea refugo-y a Euskadi el proyeutu de DOP pa la so sidre.



La islla de Madeira vien d'algamar la Indicación Xeográfica Protexío pa'llo 'Sidra de Madeira'.

Los llagareros asturianos. Masque, dende la estaya cultural esta sentencia tamién tien muncha importancia porque los xueces del Supremu camudaron el conceutu de la botella de sidre, agora dexa de ser solo un caciplu pa la distribución de la sidre, pa facer d'ella un elementu identitariu de la tradición sidrera asturiana.

Como dicíamos nel entítulu, sidre pa lo bono y



La sentencia del Supremu fai de la botella un elementu identitariu de la sidre asturiana.

pa lo malo, porque yá vimos nel desendolcu del artículu qu'hai de too, bones anuncios y males anuncios. Asina que tamién hai sidre pa ccelebrar lo que de bono tuviéremos y sidre pa aidar a pasar el mal tragu de les males anuncios coles que mos alcontramos de xemes en cuando.



Testu y Semeyes: Donato X. Villoria


camín
astur

*Tu marca de confianza especializada en
Hostelería, Alimentación a granel y en empaquetado*



caminastur.com

LEGUMBRES • ARROCES • ESPECIAS • FRUTOS SECOS • HARINAS



Llámanos 985 669 033

Codilex Alimentación Tradicional S.L.